



**V**occio rex fuit in ea parte Germaniæ quæ ab Oeno fluuio incipit, & ad Orientem uerius Pannoniam superiorem protenditur. Ea regio à Norico Herculis Alemanni regis Germaniæ magnæ filio, Noricum nomen accepit. A meridie terminatur alpibus Noricis, à Septentrione Danubio, ab Occasu Boijs. Erat autem Voccio multis uirtutibus præditus, atque magnis regibus æfinitate & fœdere iunctus. nam Ariouiftus rex magnæ Germaniæ eius sororem uxorem habuit, qui cum Iulio Cæsare aliquoties in Sequanis confligit. Cum autem Voccio Romanorum uires cognosceret, amicitiam cum Iulio inijt, atque tempore belli ciuilibus sese Cæfareanarum partium declarauit, unde etiam trecentos fortiffimos equites Germanos contra Pompeium Cæsari in auxilium misit, qui gnauiter suam operam Cæsari collocantes post deuictum Pompeium, magnam gloriam & authoritatem Voccioni apud Romanos pepererunt. Voccione autem magna nomitis exiftimatione mortuo, successit ei Critofius ultimus rex Noricorum. Is enim à Romanorum fœdere deficiens, atque se reliquis Germanis contra Germanicum coniungens, author extitit, ut Noricum in Romanorum prouinciam sub Tiberio Cæsare redactum fuerit. Tacitus: Zieglerus.